

Panagannurotan iti Panagsirrek Manen ken Balakad iti Hazard para kadagiti Temporario a Panagbisita



PARA KADAGITI RESIDENTE TI MAUI A NAAPEKTARAN DAGITI PANNAKAURAM TI KABAKIRAN

Bigbigen ti Departamento ti Salun-at iti Hawai'i (Hawai'i Department of Health, DOH) ti tarigagay ti komunidad nga agsubli kadagiti lugar a naapektaran ti pannakauram ti kabakiran. Patienmi a makatulong daytoy a gundaway a mabisita ti pagtataengan ti maysa nga apektado a malipatan ti napasamak ken mangrugi iti panagpaimbag. Nupay kasta, mabalin a saan a kayat a makita ti sumagmamano a tattao ti nauram a lugar. Adda kaniamon no kayatmo a bisitaen ti naapektaran a lugar.

Ammoen ti Banbanag Sakbay Ka a Mapan iti Naapektaran a Lugar

- Ti naapektaran a lugar ket mabalin a hazardous gapu kadagiti nalukay nga istruktura, natadem a landok a banbanag, ken dapo a mabalin nga addaan kadagiti toxic a substansia. Nupay kasta, babaen kadagiti umno a mangsalaknib a maisuot ken no umno a maikkat, mabalin a natalged a mabisita ti naapektaran a lugar.
- Adda iti nangat-ngato a peggad dagiti ubbing ken dagiti masakog a tattao manipud kadagiti hazard a wara ken nasken a SAAN da a sumrek iti naapektaran a lugar wenna tumulong iti panagdalus.
- Ikalikagummi ti panangitugot ti surok a pagsukatam ken sapatos, tapno masuktam dagus ti badom kalpasan ti panagbisitam.
- Mangitugot kadagiti pagbasuraan a plastik tapno pagkabilan dagiti personal a mangsalaknib kenka nga alikamen (personal protective equipment, PPE) ken dagiti badom kalpasan ti panagbisitam.
- Mangitugot ti danum nga inumem ta mabalin a nakapudpudot idiai.
- Mangitugot kadagiti tisyu wenna bassit a tuwalya a pangpunas ti luwa ken ling-etmo.

Kissayan ti Pannakaiwarnak iti Dapo ken Kadagiti Hazardous a Materiales

Mabalin nga addaan ti lead, asbestos, arsenic, polycyclic aromatic hydrocarbons (dagiti PAH), dioxin wenna dadduma pay a hazardous a susbtansia dagiti wara ken dapo. Mabalin a maiyakar iti angin no madisturbo dagiti tapok, rugit, ken soot, a pakaigapuan ti peggad ti pannakalang-ab ken pannakaiwarnak kadagitoy a hazard. Mabalin a makaigapu ti kanser, kadagiti problema iti panaganges, ken dadduma pay a parikut iti salun-at ti pannakaiwarnak kadagitoy a toxin.

Salakniban ti Bagim iti Umno a PPE

Nasken nga agusar dagiti nataengan ti PPE a pakairamanan dagiti mask iti rupa, goggles, work gloves, full-body coveralls, medyas, ken sapatos (a pakairamanan dagiti maibelleng a pangbalkot iti sapatos) tapno maliklikan a masagid ti dapo. Saan na ka a masalakniban ti tela a mask manipud ti dapo. Ikalikagum laengen ti DOH ti panagisuot ti umno ti sukat na a respirator wenna mask - kitaen dagiti sao nga NIOSH wenna N95 a naiyimprensa iti mask. Lagipen, awan ti epektibo a mask malaksid no umno ti sukat na ken kusto ti pannakaisuot kadaytoy.

Naigandat ti PPE para ti maminsan laeng a panagusar kabayatan ti temporario a panagbisita iti naapektaran a lugar. Kalpasan ti panagusar, nasken a maibelleng iti plastik a bag ti PPE ken maibelleng iti regular a basuraam. Maikalikagum unay ti panagbuggo kadagiti imam kalpasan ti panangibelleng kadagiti naisuot a linaon ti PPE.

Lagipen, mabalin a makapadas ka kadagiti delikado a kondision wenna maiwarnak ka kadagiti toxic a materiales. Agusar ti mangsalaknib a maisuot ken kissayan ti panawen ti pannakaiwarnakmo.

Adda saludsodmo?

Call Center ti Tulong iti Didigra ti Maui iti Estado ti Hawai'i: 808-727-1550
Silulukat kada aldaw 6:00 am - 10:00 pm

MAIDAWAT A SUROTENYO TI AMIN NGA INSTRUKSION MANIPUD KADAGITI LOKAL NGA AUTORIDAD.

Flyer ti Panagannurotan ti Panagsirrek Manen (Sapasap)
Napabaro idi Septiembre 21, 2023
Ilocano

Panid 1

Re-entry Guidance Flyer (General) - 09/21/2023



Panagannurotan iti Panagsirrek Manen ken Balakad iti Hazard para kadagiti Temporario a Panagbisita



PARA KADAGITI RESIDENTE TI MAUI A NAAPEKTARAN DAGITI PANNAKAURAM TI KABAKIRAN

Dagiti Sinyales ti Rurod iti Init

Maidawat a sukimaten a nalaing ti sakit a nainaig iti init a mabalin a mangiraman ti sakit ti ulo, pannakaulaw, pannakatalimudaw, napartak a pitik ti puso, sobra a panagling-et, wenna panagbibineg ti lasag. Mabalin a dakdakkal dagiti peggad ti sakit a nainaig iti init no agus-usar ka ti PPE, isu a masansan nga aginana ka ken uminum ka ti adu a danum. Maidawat a lagipen a kanayon nga uminum ti danum, masansan nga aginana ken aglinong no kabaelam. No makapadas ka kadagiti aniaman a sintomas ti sakit a nainaig iti init, maidawat nga isardeng ti panagbisitam iti naapektaran a lugar ken gumun-od ti medikal nga atension.

Agannad kadagiti Emosional nga Epekto na

Mabalin a nadagsen iti rikna ti panagsirrek manen iti naapektaran a lugar a nakatayan dagiti ay-ayaten ken nakaperdian dagiti pagtataengan, sanikua ken negnegosio. Mabalin a maliday ka, mabuteng, makaunget, marurod, mariribuk, ken dadduma pay a rikna a makaparikut kenka. Mabalin a mariknam dagitoy iti kanito ti panagbisitam wenna kalpasanna. No mayuyem ka kadagitoy a sintomas, maidawat nga agpatulong iti maysa nga espesialista ti salun-at ti panagtignay a naka-istasion iti lugar wenna iti Sentro ti Komprehensibo a Salun-at iti Lāhainā, silulukat 7 nga aldaw kada lawas manipud ti 9 am agingga ti 4 pm ken mabalin a madanon iti 808-495-5113. Para ti suporta ti salun-at iti panunot kalpasan ti oras ti trabaho, maidawat a tawagan ti Hawai'i CARES a libre ti toll na iti 1-800-753-6879 wenna tawagan/i-text ti 988.

Panagdalus ti Dapo

Liklikan ti panagbuggo ti dapo kadagiti storm drain. Saan nga agusar kadagiti vacuum wenna leaf blower a mangiduron ti ad-adu pay a dapo ken tapok iti angin. Maidawat a SAAN A MANGAN iti naapektaran a lugar, ngem lagipem a masansan nga aginana ken uminum ti adu a danum. Aginana iti ruar ti luganmo wenna mabalin a makontaminarmo ti uneg ti luganmo. Maidawat nga iyadayo dagiti botelia ti danummo manipud kadagiti dapo ken tapok tapno maliklikan ti aniaman a pannakailaok iti danummo.

Saan nga Ikkaten dagiti Wara

Ti panangikkat kadagiti hazardous a materiales manipud ti naapektaran a lugar ket maikoordinar kadagiti autoridad.

Agannad kadagiti Kaykayo, Linia ti Elektrisidad, wenna Dadduma pay a Hazard

Mabalin a maamiris kas hazard dagiti kaykayo gapu iti puor. Uray no awan pay ti kuryente iti purok, nasken a liklikan dagiti bimmaba a linia ti elektrisidad. Mabalin a marba ken makadunor dagiti narukupen a kamarin ken dagiti istruktura. Makadunor dagiti lansa ken dadduma pay a piraso ti natadem a landok - uray no nakasapatos ka. No maamirismo a saan a natalged ti lugar, panawam daytoyten ken ipadamag ti hazard kadagiti autoridad.

Kalpasan ti Panagbisitam iti Naapektaran a Lugar

Apaman a nalpasen ti panagbisitam iti naapektaran a lugar, maidawat nga ibelleng amin a pangsalaknib nga inusarmo (dagiti mask, coverall, goggles, gloves, booties) iti plastik a pagbasuraan ken ibelleng daytoy iti regular a basuraam.

Ikalikagummi ti panagsukat a dagus kadagiti bado ken sapatosmo kalpasam a bisitaen ti naapektaran a lugar. Ikalikagum met ti DOH ti naisina a panaglaba kadagiti bado manipud kadagiti regular a labadam. Nasaysayaat met a kababalin ti panagdigus ken panagbuggo ti buokmo sakbay a makilangen ka kadagiti sensitibo a grupo kas kadagiti keiki, masikog a babbai, kadagiti addaan ti angkit wenna COPD a tattao, ken kadagiti kapuna. No madi ti riknam wenna addaan ka kadagiti baro a sintomas iti salun-at, maidawat a mapan ka agpa-medikal a panagtingiting.

Para kadagiti serbisio ti salun-at iti medikal ken iti panagtignay kontakten ti:

Sentro ti Komprehensibo a Salun-at iti Lāhainā: 808-495-5113

Silulukat 7 nga aldaw kada lawas manipud ti 9am - 4pm | health.hawaii.gov/mauiwildfires

MAIDAWAT A SUROTENYO TI AMIN NGA INSTRUKSION MANIPUD KADAGITI LOKAL NGA AUTORIDAD.

